

Sawl Diwrnod sydd i Fynd?

Cytgan:

Sawl diwrnod sydd i fynd?
Oes gen i anrheg i bob un ffrind?
Fydd Siôn Corn yn barod mewn pryd
I fynd â phresantau o gwmpas y byd?
Oes digon o gelyn gwyrdd?
A fydd 'na eira ar hyd y ffyrdd?
Gadewch i griw Cyw
Ddymuno Nadolig Llawen iawn i chi
A Blwyddyn Newydd Dda

Mam sy'n coginio'r pwddin,
A Dad sydd yn gwneud y mins peis,
Mae Nain yn stwffio'r twrci mawr,
Mae popeth yn arogli mor neis!
Dwi wrth fy modd yn gwneud y cracys,
Tra mae fy chwaer yn addurno'r tŷ,
Mae 'mrawd yn 'sgrifennu'r cardiau i gyd:
"Dolig Llawen iawn i chi!"

Cytgan:

Mae Taid wedi prynu'r goeden,
A'r teulu i gyd wrthi yn ddi-stop,
Yn gosod y tinsel a'r peli bach,
Ac wrth gwrs, y seren ar y top!
Pawb yn brysur yn hongian eu sannau,
Coch a gwyrdd a lliwiau di-ri,
Gobeithio bydd y gŵr â'i farf fawr wen
Yn dod i lawr ein simne ni!

Cytgan:

Nadolig Llawen

Mae'r clychau'n canu,
Yn siarad 'da ti'n dweud bod y 'Dolig wedi dod,
Rhaid dathlu'r diwrnod mawr
Gyda'n gilydd yn awr,
Does 'na'm amser gwell i'w gael.

Mae'r seren yno yn disgleirio,
Danfon ei heddwch dros y byd,
Ei golau'n sgleinio fry,
Yn ein hatgoffa ni
Fod y 'Dolig wedi dod

Cytgan:
Dymunwn Nadolig Llawen iawn
I bawb o blant y byd,
Nadolig Llawen iawn i chi,
Ie,
Y goeden fel trysor yn lliwiau i gyd,
Nadolig llawen iawn i chi

Mae'r twrci'n rhostio,
A'r teulu'n closio,
Pawb wrthi'n canu carol gân,
Mae Santa ar ei daith
Ar ddechrau noson faith,
Yn dod ag anrheg i ni gyd

Cytgan: x2

Mae Cyw yn dod
Mae Cyw yn dod
Mae Cyw yn dod
Mae Cyw yn dod
Mae Cyw yn dod
Mae Cyw yn dod
I ddathlu Dydd Nadolig!

Mae Cyw yn dod

Mae Cyw yn dod

Mae Cyw yn dod

Mae Cŷw yn dod

Mae Cŷw yn dod

Mae Cŷw yn dod

I ddathlu Dydd Nadolig!

Fy Ffrind Gorau

Cytgan:

Pwy yw'r gore yn y byd? Ffrindie
Pwy sydd yno'i ni o hyd? Ffrindie
Pwy sy'n hoffi hwyl a sbri? Ffrindie
Ffrindie da fel ti a fi, ffrindie

Os oes gen ti ffrindie yn dy fywyd di,
Wel mae'r byd i gyd yn iawn
Gei di chware gyda nhw bob dydd,
Trwy'r bore a phrynhawn
Mynd am dro yn y wlad neu i lan y môr
Chwarae mig a siarad lol
Rhannu cyfrinache gyda nhw a chwerthin llond
dy fol

Cytgan:

Mynd am dro i'r parc, smalio bod yn siarc
Neu'n anghenfil mawr a blin
Neu yn dylwyth teg neu'n ofodwr dewr
Neu seren roc fwya'r sîn
Gwyllo ffilmiau, chwarae gemau ar y sgrin gyda
ffrind sy'n un bach triw
Ac ymlacio'n braf ar sofa fawr i wyllo pawb ar
Cyw

Cytgan: x2

Y Gân Drist

Gair bach yn dy glust
Mae'n iawn i deimlo'n drist
'Sdim rhaid bod yn hapus drwy'r amser
Mae'n iawn i deimlo siom
Mae'n iawn cael calon drom
Mae'n straen bod yn hapus drwy'r amser
Ond cyn hir byddi'n sychu dy ddagre
Byddi'n teimlo mwy fel ti dy hun

Fe fydd bob dim yn iawn
Bydd dy galon fach yn llawn
Ac fe ddaw eto haul ar fryn.

Mae'n iawn i deimlo'n grac
Cau'r drws neu godi pac
'Sdim rhaid bod yn hapus drwy'r amser
Rho dy ben bach yn dy blu,
Pan ddaw'r hen gwmwl du
Mae'n straen bod yn hapus drwy'r amser
Ond cyn hir bydd dy ddydd eto'n hapus
A daw'r wên'nôl i'th lygaid bach syn

Fe fydd bob dim yn iawn
Bydd dy galon fach yn llawn
Ac fe ddaw eto haul ar fryn,
Fe ddaw eto haul ar fryn.

Cân Nadolig Gore Erioed

Cytgan:

Hwn yw'r Nadolig gore erioed
Y Nadolig gore erioed
Mae dathlu ar fin dechre,
Y Nadolig gore erioed
Y Nadolig gore erioed
Gyda ffrindiau penna' i gyd

Oes 'da ni dwrci? – Oes!
A'r llysiau i gyd? – O oes!
Oes 'da ni gracyrs? – Oes!
A phwdin mwya'r byd,
Cerdiau pert anrhegion lu
Ac addurniadau lliwgar lond y tŷ

Cytgan:

Oes ganddo ni goeden? – Oes!
Tylwythen dlos – O oes!
A goleuadau? – Oes!
Sy'n ddisglair yn y nos
Nadolig perffaith gyda ffrindiau triw
A'r anrheg gorau ydy cwmni Cyw !

Cytgan: x2

Cân y Gofod

Cytgan:

Dere lan i'r gofod,
Dere i'r gofod enfawr du,
Bydd ein byd mawr ni yn edrych mor fach
Pan ddoi di i'r gofod gyda ni, ie!

Dere lan i'r gofod,
Dere i'r gofod enfawr du,
Bydd ein byd mawr ni yn edrych mor fach
Pan ddoi di i'r gofod gyda ni

Rho dy helmed ar dy ben,
Gwisga dy wisg ac i mewn i'r roced â ti,
A wyt ti'n barod nawr i lawnsio'r roced, 3, 2, 1?
I ffwrdd â ni ar daith i fyny i'r gofod fry.

Cytgan:

Mae'n hwyl cael teithio i'r gofod gyda'r criw,
A gweld planedau o bob maint a siap a lliw,
Ac os edrychi di drwy'r ffenest nawr fe weli di'r
lleuad wen,
Ac uwch ei phen, mae seren wib yn gwibio drwy
y nen.

Cytgan:

Mae'n Nadolig

Cytgan:

Mae'n Nadolig, dewch i ganu,
Gyda'n ffrindiau eto 'leni,
Mae'n Nadolig, ym Myd Cyw 'dan ni'n un teulu,
Mae'n Nadolig, dewch i ddathlu.

Mae'r tywydd yn oer, ond mae'r croeso'n gynnes,
Dewch i mewn i Fyd Cyw, ie dewch yn nes,
O'r gorllewin i'r dwyrain, o'r gogledd i'r de,
Mae pawb yn dathlu'r 'Dolig - hip hip hwrê!

Mae pawb yn hapus, mae pawb yn llon,
Daeth y Nadolig eto'r flwyddyn hon,
Mae pob un ferch a phob un bachgen nawr
Yn gweiddi yn uchel "Nadolig Llawen!"

Cytgan:

Mae pawb yn cael hwyl, ie ar draws yr holl fyd,
Dyma'r tymor sy'n llawn o swyn a hud,
Felly curwch eich dwylo a chanwch y gân
Tra mae'r clychau yn sgleinio a thincian.

Mae pawb yn gwenu, does neb yn flin,
Rhy brysur yn addurno'r goeden bin,
Dewch nawr i wrando ar y miwsig,
A chawn floeddio'n swnllyd "Mae'n Nadolig!"

Cytgan: